

Bosna i Hercegovina
Federacija Bosne i Hercegovine

KANTON SARAJEVO
Vlada

Broj: 02-05-3210-1/13
Sarajevo, 12.02.2013. godine

Bosnia and Herzegovina
Federation of Bosnia and Herzegovina

CANTON SARAJEVO
Government

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **12.** sjednici održanoj **12.02.2013.** godine, donijela je sljedeći

Z A K L J U Č A K

1. Utvrđuje se Nacrt zakona izmjenama i dopunama Zakona o Vladi Kantona Sarajevo.
2. Predlaže se Skupštini Kantona Sarajevo da pretrese Nacrt zakona iz tačke 1. ovog Zaključka, i da ga, u skladu sa članom 141. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst) uputi u javnu raspravu.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Ministarstvo finansija
6. Ekonomsko - socijalno Vijeće za područje Kantona Sarajevo
(putem Ministarstva pravde i uprave)
7. Evidencija
8. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
Kanton Sarajevo
VLADA

ZAKON
O IZMJENAMA I DOPUNAMA ZAKONA O VLADI KANTONA SARAJEVO

(NACRT)

Nosilac izrade
Ministarstvo pravde i uprave

Sarajevo, februar 2013. godine

Na osnovu člana 18. tačka b) i člana 30. stav 1. Ustava Kantona Sarajevo („Službene novine Kantona Sarajevo“ br. 1/96, 2/96 - Ispravka, 3/96 – Ispravka, 16/97, 14/00, 4/01 i 28/04), Skupština Kantona Sarajevo, na sjednici održanoj dana 2013. godine, donijela je

(Nacrt)

**ZAKON
O IZMJENAMA I DOPUNAMA ZAKONA O VLADI KANTONA SARAJEVO**

Član 1.

U Zakonu o Vladi Kantona Sarajevo („Službene novine Kantona Sarajevo“ broj 24/03 – Prečišćeni tekst), u članu 5. iza riječi: „sjednice;“ dodaju se riječi: „dostavljanje i forma materijala za razmatranje, utvrđivanje prijedloga zaključaka i drugih akata;“.

Član 2.

U članu 8. stav 3. riječi: „30 dana“ zamjenjuju se riječima: „60 dana“.

Iza stava 3. dodaje se novi stav 4., koji glasi:

„U slučaju kada mjesto premijera ostane upražnjeno, ministri nastavljaju s obavljanjem funkcije ministara, odnosno članova Vlade, do potvrđivanja imenovanja Vlade u novom sazivu.“

Član 3.

Iza člana 8. dodaju se čl. 8a. i 8b., koji glase:

„Član 8a.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva , bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Član 8b.

U slučaju kad Skupština izglaša nepovjerenje Vladi, premijer i članovi Vlade podnose pismenu ostavku, najkasnije u roku od sedam dana od dana kada im je izglasano nepovjerenje, s tim da ostavka stupa na snagu danom potvrđivanja Vlade u novom sazivu.

U periodu od dana podnošenja ostavke do dana potvrđivanja Vlade u novom sazivu, Vlada u ostavci obavlja isključivo neophodne aktivnosti u skladu sa ustavom i zakonom.

Vlada u ostavci ne može preuzimati nove finansijske i kadrovske obaveze za Kanton.

Potvrđivanje Vlade u novom sazivu mora se izvršiti najkasnije u roku od 60 dana od dana izglasavanja nepovjerenja prethodnoj Vladi.“

Član 4.

Iza člana 9. dodaju se novi čl. 9a. i 9b., koji glase:

“Član 9a.

Premijer i članovi Vlade mogu podnijeti ostavku.

Premijer podnosi ostavku predsjedavajućem Skupštine Kantona, a potvrđuje je Skupština Kantona.

Kad premijer podnese ostavku, smatra se da su ostavku podnijeli svi članovi Vlade.

Član Vlade podnosi ostavku premijeru.

Član 9b.

Ako Skupština Kantona prihvati ostavku premijera, premijer i Vlada će obavljati tehničke poslove do imenovanja nove Vlade, u skladu sa članom 8b. stav 2. ovog Zakona.

Ako premijer prihvati ostavku pojedinog člana Vlade, rješenje o razrješenju potvrđuje ga Skupština Kantona.

Ministar može obrazložiti ostavku u Skupštini Kantona.

Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, u roku iz člana 8a. stav 3.”.

Član 5.

U članu 11. stav 2. na kraju teksta tačka se briše i dodaju riječi: „i davanja svečane izjave“.

Član 6.

U članu 12. stav 1. riječi: „na prijedlog premijera“ zamjenjuju se riječima: „u skladu sa zakonom kojim se reguliše državna služba.“.

Član 7.

U članu 14. stav 2. riječi: ”više od polovine“ zamjenjuju se riječima :”više od dvije trećine”.

Član 8.

Iza člana 29. dodaje se član 29a. koji glasi:

“Član 29a.

Vlada Kantona Sarajevo dužna je uskladiti Poslovnik o radu sa odredbama ovog zakona, u roku od 30 dana od dana njegovog stupanja na snagu.”

Član 9.

Ovlašćuje se Zakonodavno-pravna komisija Skupštine Kantona Sarajevo da utvrdi Prečišćeni tekst Zakona o Vladi Kantona Sarajevo.

Član 10.

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: _____
Sarajevo, _____

PREDSJEDAVAJUĆA
SKUPŠTINE KANTONA SARAJEVO
prof. dr. Mirjana Malić

O B R A Z L O Ž E N J E

PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo kojim je utvrđena nadležnost Skupštine Kantona Sarajevo za donošenje zakona i drugih propisa u okviru izvršavanja nadležnosti Kantona, te člana 30. stav 1. Ustava Kantona Sarajevo kojim je propisana nadležnost Skupštine Kantona Sarajevo da utvrđuje organizaciju Vlade Kantona Sarajevo.

RAZLOZI DONOŠENJA

Potreba za donošenjem Zakona o izmjenama i dopunama Zakona o Vladi Kantona Sarajevo javila se radi prevazilaženja pravne praznine nastale u situaciji kada mjesto premijera, odnosno člana Vlade, ostane upražnjeno, kako u pogledu roka za imenovanje novog premijera, odnosno člana Vlade, tako i u utvrđivanju obaveze sekretara ministarstva da prisustvuje sjednicama Vlade kada se razmatraju materijali ministarstva, obavljanja funkcije ministra-rukovodioca ministarstva, kao i nastavka rada dosadašnjih ministara, u slučaju kad mjesto premijera ostane upražnjeno, do potvrđivanja imenovanja Vlade u novom sazivu. Također su regulisana pitanja podnošenja i stupanja na snagu ostavke Vlade u slučaju kad joj Skupština izglaša nepovjerenje, funkcionisanja Vlade u ostavci, te funkcionisanje Vlade u slučaju ostavke premijera odnosno pojedinih članova Vlade.

Pripremljeni nacrt Zakona o izmjenama i dopunama Zakona o Vladi Kantona Sarajevo upućen je članovima Vlade Kantona Sarajevo na konsultacije. Izvještaj o konsulatacijama dostavljen je u prilogu, a prijedlozi i sugestije koje su prihvачene ugrađene su u tekst nacrta zakona.

PRAVNA RJEŠENJA

Član 1.– U članu 5. dopunjaju se postojeće odredbe koje se odnose na Poslovnik o radu, čime se proširuje materija koja se uređuje Poslovnikom.

Član 2. -U članu 8.stav 3. mijenja se rok u kojem se imenuje premijer u slučaju da mjesto premijera ostane upražnjeno, s obzirom da je ocijenjeno da sada važeći rok od 30 dana nije moguće ispoštovati zbog ustavom propisane procedure imenovanja. Novim stavom 4. reguliše se obaveza nastavka rada ministara u ministarstvima, radi normalnog obavljanja poslova iz djelokruga ministarstava, do potvrđivanja imenovanja Vlade u novom sazivu.

Član 3.-Novim odredbama čl. 8a. i 8b. reguliše se rad Vlade, odnosno ministarstava i rukovođenje ministarstvom u slučaju spriječenosti člana Vlade duže od 30 dana, odnosno kad mjesto člana Vlade ostane upražnjeno, kao i rok za imenovanje novog člana Vlade, odnosno rok za podnošenje ostavke i stupanje na snagu ostavke Vlade u slučaju izglasavanja nepovjerenja, rad Vlade u ostavci i rok za imenovanje nove Vlade.

Član 4.-Novim odredbama čl. 9a. i 9b. reguliše se mogućnost podnošenja ostavke premijera i članova Vlade, način i postupak podnošenja ostavke premijera i pojedinačne ostavke člana Vlade, kao i način prihvatanja i potvrđivanja ostavke.

Član 5.-Dopuna člana 11.stav 2. Zakona izvršena je radi usaglašavanja sa članom 27. Ustava Kantona Sarajevo, izmijenjenog Amandmanom XXIX („Službene novine Kantona Sarajevo“, broj 28/04).

Član 6.-Izmjene člana 12. stav 1. predstavljaju usklađivanje sa Zakonom o državnoj službi u Federaciji BiH, kojim je propisan način imenovanja rukovodećih državnih službenika.

Član 7. –Izmjene stava 2. člana 14. odnosi se na utvrđivanje kvoruma neophodnog za rad Vlade, a u vezi sa ustavnom odredbom da se odluke Vlade donose većinom glasova prisutnih članova Vlade koji glasaju. Dosadašnje odredbe o kvoru (sedam članova Vlade) omogućavaju donošenje odluka sa četiri glasa od sedam prisutnih članova Vlade.

Član 8. - Dodaje se novi član 29a. kojim se Vlada obavezuje da uskladi Poslovnik o radu nakon njegovog stupanja na snagu.

Član 9.-Ovim članom ovlašćuje se Zakonodavno-pravna komisija Skupštine Kantona Sarajevo da utvrdi Prečišćeni tekst Zakona o Vladi Kantona Sarajevo.

Član 10.-Utvrđuje se rok za stupanje na snagu ovog zakona.

FINANSIJSKA SREDSTVA

Za provođenje ovog zakona nije potrebno obezbjediti finansijska sredstva u Budžetu Kantona Sarajevo.

IZVJEŠTAJ O PROVEDENIM KONSULTACIJAMA O NACRTU ZAKONA O IZMJENAMA I DOPUNAMA ZAKONA O VLADI KANTONA SARAJEVO

Ministarstvo pravde i uprave Kantona Sarajevo je dana 28.12.2012. godine uputilo pripremljeni nacrt Zakona o izmjenama i dopunama Zakona o Vladi Kantona Sarajevo (u daljem tekstu: nacrt Zakona) predsjedavajućoj Skupštine Kantona Sarajevo, Premijeru Kantona Sarajevo, svim ministarstvima u Kantunu Sarajevo i Stručnoj službi Vlade Kantona Sarajevo, kako bi dali svoje eventualne primjedbe, prijedloge i sugestije do 10.01.2013. godine.

Nakon proteka ostavljenog roka Ministarstvo pravde i uprave pripremilo je nacrt Zakona za narednu sjednicu Vlade Kantona Sarajevo.

Primjedbe, prijedloge i sugestije dostavili su pismeno:

1. Ministarstvo finansija;
2. Stručna služba Vlade Kantona Sarajevo;
3. Ministarstvo za boračka pitanja.

Pismene primjedbe, prijedlozi su dati u prilogu Izvještaja, a sadrže obrazloženje koje se ne ponavlja u Izvještaju.

Izvještaj sadrži sistematizovane primjedbe koje se odnose na pojedine članove Zakona, a date su od različitih učesnika u konsultacijama.

PRIMJEDBE, PRIJEDLOZI I SUGESTIJE

Pojedinačne primjedbe

1. **Ministarstvo finansija** se, svojim dopisom broj 08-03-sl od 31.12.2013. godine, koje je Ministarstvo pravde i uprave primilo 03.01.2013. godine, izjasnilo da nema primjedbi na nacrt Zakona o izmjenama i dopunama Zakona o Vladi Kantona Sarajevo.

Član 5.

1. **Stručna služba Vlade Kantona Sarajevo:** Predlažu da se u nacrtu Zakona ugrade odredbe kojima će se regulisati da će Vlada Kantona Sarajevo donijeti Poslovnik o radu u roku od 30 dana od dana stupanja na snagu Zakona o izmjenama i dopunama Zakona o Vladi Kantona Sarajevo, kojim bi se uredio postupak i način zakazivanja sjednica Vlade Kantona Sarajevo, dostavljenje i formu materijala za razmatranje, utvrđivanje prijedloga zaključaka i drugih akata, način izvršavanja zaključaka, prenošenje ovlaštenja i zaduženja i druga poslovnička pitanja.

Stav predlagajuća: Prijedlog se prihvata i član 5. se dopunjuje na način da iza riječi: "sjednice;" dodaju riječi: "dostavljanje i formu materijala za razmatranje, utvrđivanje prijedloga zaključaka i drugih akata;".

Član 8a. stav 2.

1. **Stručna služba Vlade Kantona Sarajevo:** Smatra da predloženo rješenje ne predstavlja najoptimalnije rješenje iz razloga što se mogu pojaviti određene dileme u pogledu odlučivanja, ali i u provođenju politike u toj oblasti, te predlažu da se navedena odredba precizira.

Stav predlagajuća:

Prijedlog se ne prihvata. Predloženim rješenjem premijer određuje jednog člana Vlade da vrši funkciju odsutnog ministra i smatramo da se na taj način najbolje zadovoljava pitanje provođenja politike iz određene oblasti jer je Vlada ovlaštena da provodi politiku u oblasti gdje je pozicija ministra privremeno upražnjena. Podnositelj primjedbe nije ponudio konkretno drugo rješenje, niti je konkretno objasnio kako može doći do određenih dilema u pogledu odlučivanja.

Član 8b.

1. **Stručna služba Vlade Kantona Sarajevo:** Predlažu da se, uvođenjem člana 8b. kojim je definisan način rada Vlade u slučaju izglasavanja nepovjerenja od strane Skupštine Kantona Sarajevo, briše stav 4. člana 9. Zakona o Vladi.

Stav predlagajuća:

Prijedlog se ne prihvata. Članom 8b. je samo razrađen način rada Vlade u slučaju izglasavanja nepovjerenja od strane Skupštine, dok je član 9. ustavna materija i kao takva treba biti sadržana u Zakonu o Vladi Kantona Sarajevo.

2. **Ministarstvo za boračka pitanja:** Predlažu da se u članu **8b. stav 3.** riječ "zakonom" zamijeni riječima: "zakonima iz nadležnosti ministarstava Vlade Kantona, odlukama Skupštine Kantona i drugim zakonima".

Stav predlagajuća:

Prijedlog se ne prihvata. Riječ "zakonom" u predloženom tekstu nacrtu Zakona, odnosi se na sve važeće zakone i propise svih nivoa vlasti, pa tako i kantonalnih zakona i odluka Skupštine, koji se primjenjuju u radu Vlade Kantona Sarajevo, dok se i u prijedlogu

izmjena koji su ponuđeni pojavljuje formulacija "i drugim zakonima", čime se postiže ista svrha kao i postojećim rješenjem.

3. **Ministarstvo za boračka pitanja:** Predlažu da se u članu 8. stav 3. na kraju druge rečenice briše tačka i dodaju riječi: "osim već započetih obaveza utvrđenih zakonima iz nadležnosti ministarstva Vlade Kantona Sarajevo, odlukama Skupštine Kantona Sarajevo i drugim zakonima.

Stav predлагаča:

Prijedlog se ne prihvata. Članom 8. stav 3. propisuje da se u tehničkom mandatu ne mogu preuzimati **nove** finansijske i kadrovske obaveze za Kanton, što podrazumijeva da ranije započete obaveze ne spadaju u obaveze koje je preuzela Vlada u ostavci.

Član 14. stav 2.

1. **Stručna služba Vlade Kantona Sarajevo:** Smatraju da s predložena rješenja koja se odnose na kvorum potreban za rad Vlade ograničavajuća, a što će se direktno odraziti na efikasnost i efektivnost rada Vlade.

Stav predлагаča:

Prijedlog se ne prihvata. Uvažavajući činjenicu da sastav Vlade Kantona Sarajevo čini dvanaest (12) ministara i premijer, postojećim rješenjem odlučivati je moguće ako sjednici prisustvuje više od polovine, a to je sedam članova. Postojećim rješenjima sve odluke se donose prostom većinom članova Vlade koji glasaju, a to znači da je potrebno četiri glasa da bi se donijela određena odluka. Smatramo da je to premalo glasova za donošenja odluka iz nadležnosti Vlade, imajući u vidu ozbiljnost, odgovornost Vlade pri donošenju odluka. Iz navedenih razloga smatramo da je kvorum za održavanje sjednica Vlade od više dvije trećine opravдан.

Predloženo rješenje nije u suprotnosti sa odredbama ustava Federacije BiH i Ustava Kantona Sarajevo, jer se odredbe Ustava Federacije BiH i Ustava Kantona Sarajevo odnose na način donošenja odluka, a ne na kvorum potreban za rad Vlade Kantona Sarajevo.

Član 26.

1. **Stručna služba Vlade Kantona Sarajevo:** Predlažu da se preciziraju odredbe koje se odnose na ostvarivanje načela javnosti rada Vlade Kantona, s obzirom na veliki broj dilema koje se javljaju u praksi, te da se detaljnije razrade odredbe kojima bi se regulisao način objavljivanja odluka Vlade, prisustvo zainteresovanih lica, predstavnika medija i nevladinih organizacija na sjednicama Vlade i sl.

Stav predлагаča:

Prijedlog se ne prihvata. Navedeni prijedlozi su pitanja koja se regulišu poslovnikom o radu Vlade, a ne Zakonom.

Član 29a.

1. **Stručna služba Vlade Kantona Sarajevo:** Predlažu da se u nacrtu Zakona ugrade odredbe kojima će se regulisati da će Vlada Kantona Sarajevo donijeti Poslovnik o radu u roku od 30 dana od dana stupanja na snagu Zakona o izmjenama i dopunama Zakona o Vladi Kantona Sarajevo, kojim bi se uredio postupak i način zakazivanja sjednica Vlade Kantona Sarajevo, dostavljenje i forumu materijala za razmatranje, utvrđivanje prijedloga zaključaka i drugih akata, način izvršavanja zaključaka, prenošenje ovlaštenja i zaduženja i druga poslovnička pitanja.

Stav predлагаča:

Prijedlog se prihvata, na način da će se u prelaznim i završnim odredbama dodati novi član 29a. koji glasi:

“Član 29a.

Vlada Kantona Sarajevo dužna je uskladiti Poslovnik o radu sa odredbama ovog zakona, u roku od 30 dana od dana njegovog stupanja na snagu.”.

Da bi se pristupilo donošenju novog Poslovnika o radu Vlade Kantona Sarajevo, potrebno da je da se više od polovine članova osnovnog propisa mijenja, odnosno dopunjuje, u smislu člana 46. stav (3). Jedinstvenih pravila za izradu pravnih propisa u institucija Bosne i Hercegovine (“Službeni glasnik BiH, broj 11/05), koja se primjenjuju pri izradi propisa u Kantonu Sarajevo.

Ostali dio prijedloga se prihvata na način da će se izvršiti dopuna člana 5. Zakona o Vladi Kantona Sarajevo.

208

30-01-2013

fs.

07

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj:08-03-02-1969
Sarajevo,30.01.2013.godine

**MINISTARSTVO PRAVDE I UPRAVE
O V D J E**

PREDMET:Mišljenje

Veza:Vaš broj:03-07-02-15004/11 od 24.01.2013.godine

Ministarstvo finansija nema primjedbi na Nacrt zakona o izmjenama i dopunama Zakona o Vladici Kantona Sarajevo.

S poštovanjem,

MINISTAR

Muhamed Kozadra,dipl.ecc.



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



268

Bosna i Hercegovina
 Federacija Bosne i Hercegovine
KANTON SARAJEVO
 Ured za zakonodavstvo
 Vlade Kantona Sarajevo



Bosnia and Herzegovina
 Federation of Bosnia and Herzegovina
CANTON SARAJEVO
 Office for legislature of Sarajevo
 Canton Government

Broj: 09-02-1968/13
 Sarajevo, 05.02.2013. godine

05 -02- 2013

KANTON SARAJEVO
 MINISTARSTVO PRAVDE I UPRAVE

PREDMET: Stručno mišljenje na nacrt Zakona o izmjenama i dopunama Zakona o Vladi Kantona Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

- 1. Nacrt Zakona o izmjenama i dopunama Zakona o Vladi Kantona Sarajevo uskladen je sa odredbama ustava i drugim pozitivno-pravnim propisima koji uređuju ovu oblast.
- 2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:
 1. Naslovu
 2. Evidencija
 3. Arhiva



web: <http://uz.ks.gov.ba>
 e-mail: ured@ks.gov.ba;
 Tel/fax: + 387 (0) 33 560-448
 Sarajevo, Hamida Dizdara 1



PRILOZI

USTAV KANTONA SARAJEVO

(„Službene novine Kantona Sarajevo“ br. 1/96, 2/96 - Ispravka, 3/96 – Ispravka, 16/97, 14/00, 4/01, 28/04)

Član 18.

Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

Član 30. stav (1)

Organizacija uprave

Organizacija Vlade utvrđuje se zakonom Kantona sukladno ovom Ustavu.

AMANDMAN XXIX

Član 27. mijenja se i glasi:

"Član 27.

Konstitutivni narodi i pripadnici grupe Ostalih bit će proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa 7, u skladu sa članom IX. 11a. Ustava Federacije Bosne i Hercegovine.

Kandidata za mjesto premijera Kantona imenuje predsjedavajući Skupštine u konsultaciji sa zamjenicima predsjedavajućeg. Kandidat za mjesto premijera Kantona predlaže ministre. Ministri nemaju zamjenike.

Ministri zajedno sa premijerom čine Vladu Kantona .

Vlada potvrđuje Skupština većinom glasova.

Vlada preuzima dužnost nakon potvrđivanja od strane Skupštine i davanja svečane izjave.

Sve odluke Vlade donose se prostom većinom glasova prisutnih koji glasaju."

ODREDBE ZAKONA KOJE SE MIJENJAJU ILI DOPUNJUJU:

Zakon o Vladi Kantona Sarajevo

(„Službene novine Kantona Sarajevo“ broj 24/03 – Prečišćen tekst)

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi pred sjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, premijer se imenuje u roku od 30 dana od dana kada je mjesto premijera ostalo upražnjeno, na način utvrđen

ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

Član 11.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona.

Član 12.

Vlada Kantona imenuje i razrješava sekretara Vlade Kantona na prijedlog premijera.

Sekretar Vlade odgovara za svoj rad premijeru Vlade i Vladu.

Član 14.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

Član 29.

Vlada Kantona je dužna donijeti Poslovnik o svom radu u roku od 30 dana od svog konstituisanja.